



THESES INAUGURALES MEDICÆ
DE
APPETITIONE CIBORUM.



I.

Ille sensus internus, quo mens humana sui proprii corporis vitalitatem & conditiones varias tam naturales quam præternaturales intelligit, vocatur *sensus vitalis*. Qui a quinque externis diëtis sensibus, quibus extraneorum corporum præsentiam & qualitates distinguimus, omnino diversificatus est.

A

II.

II.

Per *sensum vitalem* intelligimus permulta, sci-
licer hoc corpus esse nostrum, illud cum animo no-
stro in commercio esse, ab illo regi & affici, nobis
bene & nos sanos esse vel sic dicta eucharistia gau-
dere, nostrum corpus male se habere, calere, fri-
gere, lassum vel forte & alacre esse, dolere, pru-
rire, angri, a pondere excrementorum obrui,
esurire, sitire, & quæ sunt plures & fere innume-
rables ejus *vitalis sensationis* modificationes, quibus
humana mens de necessitatibus sui corporis admoni-
netur.

III.

Appetitus ciborum est una ex his modifica-
tionibus sensus vitalis quo animus admonetur de ne-
cessitate capiendorum ciborum ad vitæ prorogatio-
nem requisitorum. De cuius appetitus existentia &
usu nunc non disputabo quia quilibet homo eum
experitur, & ejus utilitas ex continua consumtione
humorum in nobis siente facile explicatur. De so-
la natura hujus appetitionis paucas datus theses.

IV.

Appetitio ciborum varia quidem est, nam vel
fluida

fluida & humida assumere desideramus, id quod *Sitis* nomine venit, de qua utpote explicatu difficultiori, mihi nullus hic sermo erit; vel cibos solidiores, aut certe non simpliciter humidos cupimus, id quod harum thesum erit objectum.

V.

Appetitus igitur ciborum solidiorum, ut recte intelligatur, in diversos gradus, vel si mavis, in diversas species est distinguendus, scilicet in *appetitum stricte dictum*, in *famem*, in *esuriem*, & in *sensum inediae*. Horum enim singulorum ut diversæ causæ, ita in primis diversæ sunt in corpore humano sedes.

VI.

I. *Appetitus stricte dictus* est sensatio solius oris & linguæ, quæ sapissime adest quando nec fames nec esuries, nec inedia nos urgent, et si cum his omnino appetitus conjunctus, atque ea ipsa coniunctione fortior esse soleat. Appetitus igitur stricte dictus, quem græci *Orexin* vocant, est sensatio quædam, qua hominis animus stimulatur ad experientiam gratiam & delectationem *saporis ciborum*.

VII.

VII.

Cuivis enim notum est in gustatione sapidorum gratorumque ciborum nos valde delectari, saporumque amoenitate tam infantes quam adultos mire capi, ad eamque voluptatem a natura nos ferri, adeo ut etiam inter sapientiae & beatae vitae regulas pertineat ut reliquis voluptatibus corporis, ita etiam voluptati gustationis frenum injicere, neque ei amplius, quam ad vitae conservationem necesse est, indulgere. Namque ut omnium volutatum nimia appetitio, ita etiam stimulantis gustationis perpetuum desiderium nobiliores animi nostri vires magnopere debilitare solet.

VIII.

Quæ cupiditas sapidos cibos manducandi non nunquam eo usque increscit, ut ad statum varium morbosum declinet, corporisque non modicam noscam inducat. Sic ἀδησαγανος Græci appellant illam ægritudinem qua homo insatiabile mandendi desiderium habet sine necessitate, cui morbo, ut pluribus aliis, olim apud Siculos templum tanquam Deo cuidam averrunco conditum fuisse legitur. Sunt enim adhuc hodie homines, qui ad suetum tabaci,

ad

ad bibendum vinum & spirituosas liguritiones, ad edenda fachara & dulcia, ad sorbillandum potum coffee & similes, & apud Orientales populos ad sumendum Succum Maslac & Banque tam improbus stimulus inest, ut sanitatem propterea perdant, quin & illi qui per plures horas uni prandio aut cœnæ mandendi causa insident, ab eo morbo non satis immunes dici queunt.

Pejor affectus est ille quem Κρέας Græci, *pi-*
cam latini vocant, si quis talia quæ manifeste noxia sunt, ut calcem, carbones, chartam papyraceam, aut talia quorum compotes fieri nequeant summa cupiditate anhelat, ut stulto satori excitando satisfaciat.

IX.

Appetitus hic striete dictus, qui solius oris sensatio est, nonnunquam imminui quoque aut aboleri potest, etiamsi fames & esuries de capiendo cibo admoneant. Id quod non modo febricitantibus særissime, verum etiam sanis aliquando hominibus contingit, quibus adeo imminutus aut depravatus est sensus saporis, ut quidquid degustent illis insipidum, aut amarum aut nauseosum videatur, etiamsi famelicosos se esse sciant & fateantur.

X.

X.

Si autem homo bene valet, nec per morbum, neque etiam per malam consuetudinem sibi facultatem de necessitatibus corporis sui recte judicandi destruxit, in eo appetitus oris est index primarius & saluberrimus eorum quibus ad nutritionem corpus eget. Nam qui cibo opus habet, is etiam eum blande appetit, & ejus assumptione amoeniter delectatur, imo distinguere per saporem potest quæ ei convenienter quæ minus, ut etiam medici, quo internam humorum dispositionem indagare queant, interrogant suos ægrotos quibus cibis delectentur, quos ament, quos aversentur, & plerumque observant, ea alimenta quæ ori sunt grata, profutura, ea quæ adversa sunt, nocitura fore. At vero hæc ut jam dixi, in illis tantum obtinent, quibus sensatio appetitus in ore non est perversa aut abolita.

XI.

II. *Fames*, alter gradus appetitionis ciborum, non in ore, sed manifeste in ventriculo habet se dem. Hanc græci λοιμων vocant, & est modifica tio sensationis vitalis, qua homo vacuitatem in ven-

triculo & in intestinis tenuibus, necessitatemque sentit assumendi cibos & novum parandi chylum.

XII.

Famem in ventriculo & intestinis tenuibus sentiri quilibet ad se attentus facile distinguit, est enim sensatio in epigastrica in primis & in umbilicali regione, quæ etiæ molestiæ quid habeat, tamen non ingrata est, signum enim homini facit se quoad digestionem & primam concoctionem esse sanum. Si enim eousque increscit ut plane molesta & dolorosa & anxia evadat, cum jam ad tertium gradum referri debet. Solet fames etiam aliis symptomatis, sedem ejus manifestantibus stipari, videlicet Borborigmis, spasticis hypochondriorum motibus, defectu transpirationis externæ, siquidem eo tempore materia transpirabilis vertitur ad intestina eorumque modo remauget. Ceterum in homine sano famem ut plurimum appetitus etiam stricte dictus oris & linguæ commitatur, cum ea tamen differentia ut homo famelicus de ipso sapore minus sollicitus sit, sed cibos obvios & cito parabiles, modo ne sint nauseosi, anquirat, ut etiam in proverbium abierit optimum ciborum condimentum esse famem. Neque

tamen

tamen inseparabilis a fame est appetitus, quippe homines sunt, quibus latrat venter & desiderat cibum et si omni gratia saporis, & omni appetentia linguae sint destituti, qui igitur non ex voluptate sed quia credant aliter se non vivere posse, ideoque coacti edunt.

XIII.

Etiam in eo fames ab oris appetitu differt, quod, quamprimum venter expletus est, fami succedit *satietas*, quæ in statu naturali est sensatio grata quam monetur animus jam satis datum esse corpori suo, nec pluri cibo nunc esse opus. Quare si quis sensus homo & suæ spontis ultra satietatem comedit, sequitur *fastidium*, id est sensus ingratus ventriculi cum resistantia ejus, quo acrius monemur, ne protracta ingurgitatione ventrem laedamus. *Satietas* igitur comparari potest cum sensu *fessitudinis levioris* quem post labores toleratos habemus in artubus, & signat vires ad ulterius laborandum consumtas esse, & imperari quietem, & necessariam esse somni recreationem. *Fastidium* vero simile est ingrato illi sensui quem patitur homo qui laboribus fatigatus & viribus exhaustus tamen ulterius labore cogitur. Quare non inepte dixeris satietatem esse speciem

ciem Somnolentiae primarum viarum, quin permulti homines, quam primum saturi sunt, etiam totius corporis somnolentiam experiuntur. Et in ea re manifesta est differentia inter appetitum oris & famem, quia si jam satur est venter, tamem appetitus oris adhuc vigere potest, quod cum damno experiuntur qui lautis epulis excepti, & gratia variantium sapidorum ciborum decepti plusquam par est assumunt, & nocenti se pondere gravant.

XIV.

Quamobrem fames etiam suos morbos peculiares habet, a morbis appetitus supra recensitis differentes. Nam aliquando fames ita imminuitur imo deletur, ut salvo appetitu tamen comedere nequeant, quæ ægritudo gradu leviori vocatur *fastidium* quatenus hoc non ex satietate sed ex causis internis præternaturalibus oritur. Gradu autem majori & si nimis diu fastidium protrahitur, in *apostitiam*, id est plenariam & diuturnam a cibis abstinentiam transit. Quale fastidium non modo in plurisque febribus, sed etiam in chronicis, præsertim hepaticis morbis, & in hydropibus observatur, ut frequens sit querela hominum, se appetere cibos, se cupere escam, a cuius tamen modica quantitate capta statim satureos se sentire, ut ab esu sit abstinendum.

B

Oppo-

Oppositus morbus est voraeitas vel *fames canina dicta*, ubi homo cibis vix saturari potest, propter celerissimam digestionem, quæ vel cum vel sine copiosis evacuationibus manifestis, per tenuem transpirationem sæpe solam, cibos sumtos festinanter diffat. Quæ mira voracitas comes in primis illius morbi quem *motus spasmodicos vagos die Kriebel Krankheit*, vocant, qui que caritatis annonæ tempore grassari solet, observata est, atque etiam alias quandoque ægritudines comitari solvit.

XV.

III. Tertius gradus appetitionis ciborum est *efuries*, quæ a fame ideo differt, quod neque in ore solo, nec inventriculo & intestinis solis, sed in toto fere ventre sedem habeat. *Efuries* scilicet est sensatio molestissima, dolorosa, inquieta & anxia, cum magna inquietudine animi, cum motibus corporis voluntariis perpetuis, nonnunquam cum spasticis motibus muscularum abdominis, cum cordis palpitationibus & aliis sæpe variis motibus præternaturalibus conjuncta. Qui sanus diu jejunare costitus fuit, is postquam blandus & moderatus famis gradus transiit, hanc speciem inquietudinis in se observare solet.

XVI.

Neque tamen a solo jejunio nimis protracto
hæc *esuries* oritur, verum etiam a causis aliquando
internis morboris producitur, & tunc a medicis nun-
quam est vilipendenda. Infantes qui variolosum ve-
nenum susceperunt, per quatuor aut plures aliquan-
do dies, antequam variolosa febris acceditur, talem
in toto corpore inquietudinem sentiunt, ut non mo-
do cibos immoderate desiderent, sed ejulando etiam
plorando, discurrendo, petulantæ actiones instituen-
do, immorigeros se præbendo, parentibus molesti
sint & castigationes sæpe subeant, quasi ex proter-
via animi se ita male gererent, quum tamen causa
stimuli præternaturalis in corpore ipso hæreat, nec
sibi possint temperare volentes etiam sic affecti pue-
ruli. Neque rarum est in adultis, si quando febris
certiana aut alius gravis acutus morbus ex internis
causis imminet, ut talem inquietudinem in corpore
sentiant, quam falso pro esurie habent, putantque
crebris ingurgitationibus ciborum, aut vini aut spi-
rituorum potuum se levari posse, quibus tamen
imminens malum potius augent. Eiusmodi esuriem
quandoque crapula a vino inducit, ut ultra satieta-
tem comedant, non ex ventriculi affectu, sed quia

vinum toti generi nervoso impatientem illam irritabilitatem auxit, quam cibis se superare posse falso credunt.

XVII.

Hujus esuriei nota species est quam *Bulimum* græci, id est famem bovinam, germani den *Heiß Hunger* vocant. Scilicet insultus subitaneus tantæ anxietatis circa scrobiculum cordis & paulo inferius in epigastrica regione, ut plurimum cum sensu ardoris, ut nisi protinus cibi aut potus adsumtu recreari possint, vel leipothymici vel convulsi evadant, aut catoche prehendantur, infensilesque & immoti per aliquot minuta, imo & diutius, instar statuarum rigidi maneant. Est igitur *Bulimus* epilepsia levioris species, cuius causa non semper in ipso ventriculo, sed nonnunquam in spinali medulla haeret, aut in nervi intercostalis systemate. Nam et si vermium in ventriculo præsentiam, aut atræ bilis acrioris motum & similes causas, quibus pathologi hunc insultum adscribunt, non plane negare velim, certum tamen est bulimo tentari saepe qui ab his ventris viuis sunt liberi, imo per solum haustum analeptici paucioris cibi vix probabile est paroxysmum tam citto superari posse, si talis materia in ventre contenta ejus

ejus esset causa, ut potius credibile sit, subitaneum nervorum spasmodum aliunde quoque exitari.

XVIII.

IV. Ultimus gradus appetitionis est *sensus inediae*. Atrox fatum, si quis homo reliqua sanus omni nutrimento constanter & usqueaque privatus mortem famelicosus obit. Cujus crudelia exempla in obsidionibus desperatis urbium, aut in navium super immenso mari erroribus & alibi passim descripta leguntur. In hac enim fame non una corporis pars, sed omnes simul, & quidem cum vacuitate plerorumque vasorum, & cum humorum corruptione putredinosa, solidarumque partium intensa primum irritabilitate, tum subsequente stupore, viriumque omnium lapsu, postquam priores famis gradus percursi sunt, patiuntur. Tandem si ultra modum inedia protrahitur homo delirus, rabidus, atrox, convulsus, nihil obsecnitis quo ventrem satiare queat, repudiat, amico ut praedae inhiat, nec propriis carnibus dilacerandis parcit, modo bolum pro gula praebant, donec pestilenti febre contagiosa corruptus animam efflet. Ex descriptione autem data facile patet hanc improbam inediæ famem non in

ore nec in ventriculo solo, sed in tota compage corporis suam sedem & causam habere, quare de ea nunc sileo.

XIX.

Talis est horribilis scena ex inedia pereuntium, quæ tamen admodum rara. Nam in morbis acutis chronicisque homines aliquando diu quoque ante mortem a cibo potuque abstinere coguntur, sed quia in his sensationes etiam in universum omnes, ideoque etiam sensatio appetitionis imminuntur, tam horribiles inediæ effectus fieri non solent.

Quamquam etiam contraria aliquando est observatio, præsertim in illis qui ex tabe vel phtisi moriuntur, quibus improba fames manet ad ultimum fere halitum.

XX.

Puto me probasse, appetitionis ciborum non unam esse speciem, non unum gradum, sed mitissimam ejus sensationem in ore solo; majorem sed gratam tamen in ventriculo; adhuc intensionem & molestam toto systemate viscerum abdominalium;

ūm; summum vero gradum in toto corpore & in universo sensilium partium systemate habere sedem.

XXI.

Supereft ut de causis harum diversarum appetitionum cibi quædam addamus. Ubi quidem de finalibus causis, propter quas sumimus creator ejusmodi appetitiones homini tribuit, dicere non attinet, ut jam supra monui §. 3. quæ finales etiam causæ a physiologis pathologisque scriptoribus ample satis descriptæ sunt. Quare de causa proxima solummodo breviter differe mus.

XXII.

Ubi primo monendum est physiologos fere omnes tam veteres quam recentiores famis sedem in ventriculo solo assignasse, quæ tamen pro diversis ejus gradibus & speciebus sine dubio diversarum partium affectio est. Quare causam etiam proximam sufficienter determinare non valuerunt.

XXIII.

GALENUS quidem & eum sequuti famem ad scripsierunt *suctioni* cuidam vasculorum illorum in ven-

ventriculo & intestinis, quæ chylum in vasa sanguifera venæ portarum, & abinde ad hepār, tanquam sanguificationis organon, secundum eorum theoriam falsam, ducere debent. In tota hac sententia nihil veri remansit, postquam chyli plane aliud iter ab ASELLIO & PECQUETTO inventum est.

XXIV.

Quum Chymiatrorum placita in artem medicam reciperentur, & humorum varia acrimoniam & inde pendens varius stimulus observaretur, suctioni galenicae substituta est rosio & vellicatio nervorum ventriculi ab acri quodam ibi collecto humore. Bili acriori ex intestino duodeno in ventriculum regurgitanti, & in hujus vacuitate a cibis non temperatae eam rem adscriperunt plurimi. Reliquias ciborum a prægresso prandio in plicis ventriculi remanentes, easque sponte aut per bilem accidentem acres factes alii accusaverunt. Ipsam lympham gastricam & succum pancreaticum *Sylviani* causam famis statuerunt, quippe quam lympham naturaliter acidam, hanc autem aciditatem ipso jejunio auctam credent, eo usque ut liquor alias blandus talem acredinis gradum acquirere queat, quæ mordendis & rodendis nervis sufficeret. Huic causæ aliquod fer-

fermentum ex liene accessorium dedit HELMON-TIUS. Singulis hisce de quadam vellicatione per acres humores opinionibus favet in primis certissima illa observatio, quod appetitus languens ab assumtis acidis, aromaticis, amaris, acribus medicamentis restitui & excitari soleat. Neque tamen cunctis phænomenis satisfaciunt hæ hypotheses, in primis quia supra ostendimus, in solo ventriculo non esse solam omnis appetitionis sedem, ergo nec in eo solam causam.

XXV.

Sexta medicorum *Mechanica* famem deduxit ex rigiditate & contractione vasorum ventriculi, & ex attritu laterum ventriculi vacui ad se invicem. Musculares scilicet ventriculi fibras in vacuitate ejus ita contrahi, ut non modo cavitatem attent, sed etiam ipsa hac sua contractione molestum sensum inducant, siquidem musculus diu contractus dolet. In hac hypothesi autem nihil non est sicutum. Præterea enim quod sensus appetitionis non in solo ventriculo hæreat, hæc hypothesis fingit copiosas admodum ventriculi humani musculares fibras, quæ tamen, excepto dorso ejus, admodum tenues

C

&

& sparsæ sunt; singit integrum ventriculi quietem, quæ probari non potest, siquidem in fame motus peristalticus, testibus borborygmis potius augetur; singitur attritus laterum ventriculi ad se invicem, quæ eo tempore potius laxa, multo liquore gastrico madida, copioso muco illita, ad validioram attritum inepta fiunt. Imo si vera hæc hypothesis esset, ventriculus famelicus a cibis durioribus ingestis, quippe quibus attritus necessario augeretur, magis adhuc quam antea esurire deberet, quod experientia contrarium est, nam a cibis durioribus fames statim sedari incipit.

XXVI.

Vix refutationem meretur cel. HAMBERGERI hypothesis, tempore scilicet famis ventriculum tangere, aut sensum tactus exercere instar cutis externæ. Ridiculum tere est in ejus physiologia eandem sectionem agere de tactu, de fame, de siti. Quasi vero cutis aliquid tangere posset a quo non reciproce contingit. Quid est autem quod ventriculus tangere posset si vacuus est? Tum certe quando repletus cibisque saturatus est sensum tactus exerciturus esset si tangere posset. Tum vi-

deli-

delicet haberet quod tangere posset, scilicet cibos receptos. Fames igitur ex ea opinione saturationem sequi, non præcedere deberet. Præterea certum est ventriculum ut reliqua viscera sensu tactus plane destitutum esse. Nam si viventis hominis vulneratum & apertum intestinum tam extra quam intra dige-to contingitur, id vulneratus non sentit. Dolere autem potest ventriculus, id est sensus vitalis modi-ficationem habere. Hæc autem & similia ratiocinia sponte cadunt, si quis sensus vitalis, ab externis quin-que sensibus manifestam distinctionem recte conci-piat.

XXVII.

Sentire nervorum est, aut earum papilarum & penicillorum aut similiūm organorum, in quæ fines nervorum terminantur. Quare etiam sensatio appetitionis his solis adscribi debet. Neque tamen nervi aut aliæ ex his fientes machinulæ sentiunt, ni-si quando animus in commercio, ut loqui amamus, cum corpore est, id est, si anima ad suum corpus attendit, nec ad alia obiecta suam attentionem diri-git, nec per causam corpoream ab illo commercio deturbatur. Quare appetitus non modo oris & ven-triculi sed etiam ipsa esuries & inediæ sensus abo-

lentur aut imminuuntur a meditationibus profundis; a curis gravibus, ab affectibus animi intensis, ab animo pacato etiam & per se ipsum hilari, a somno, a narcoticis & somnum inducentibus remediis, a doloribus magnis cujuscunque partis corporis, a febribus plurimis, ab apoplexia & morbis affinibus a melancholia & mania, a defectu teneriorum & stimulantium humorum in corpore, ideoque a statu mucoso & leucophlegmatico corporis, etiam aliquando a nimia plenitudine sanguinis; omnium autem maxime a putredine vera & sphacelata partium nostrarum, per quam totum corpus definit esse vitale.

XXVIII.

Nervus ergo sentit, sed non sentit semper. Oportet igitur certam in eo mutationem fieri debere ut sentiat. Hæc in tam tenero organo magna esse non potest, quare oculis nostris eam metiri vix licet. In lingua tamen MARCELLI MALPIGHII & LAURENTII BELLINI solers inquisitione papillas nerveas detexit, quibus soleis sit sapor. Easdem vero papillulas tum quando appetitus oris viget, homoque cibi cuiusdam grati avidus est, turgere, erigi, magis quam alio tempore promine-

re,

re, linguam tum hispidam & parvis quasi granulis
rectam spectari, id extra omne dubium est, si quis
vel ad linguam propriam coram speculo attendere
velit. Quam ob rem, quum in rebus similibus ad
similem causam & similes conditiones per analogi-
am non illegitime concludi queat, nil obstare vide-
tur, quo minus ejusmodi erectionem papillarum ner-
varum in omnibus illis locis fieri statuamus, in
quibus diversae famis, esuriei & inediæ sensationes
observantur.

XXIX.

In fame igitur & in esurie papillæ nervosæ
totius interioris ventriculi & intestinorum membra-
nis præsentes simili modo turgere, erigi, tumescere
credibile est. Atque in valido inediæ sensu totius
cutis externæ numerosas papillulas nerveas, & for-
tan alias adhuc in aliis partibus præsentes, nondum
detectas machinulas, præsertim in illis locis qui
membranam pituitariam habent, æque turgere, ex-
tendi, eminere, non est improbabile.

XXX.

An hæc erekcio a spiritu quodam nervosa;
vel an ab alio implente humore, quemadmodum in
corporibus cavernosis a sanguine fieri solet, produ-

catur, quoniam inter medicos disputatur, in eam
item me ingerere nolo,

XXXI.

Hoc tamen certum videtur, ejusmodi unctionem papillarum causam suam in solo cerebro tanquam sensorio communi habere, nec ab erosione aliqua externa, neque a frictione produci, quibus potius appetitus imminui potest. Nam instinctus, propensio, voluntas animi appetitum & augere & imminuere potest, absque necessitate vera aliarum causarum. Eaque propter per intervalla appetimus, & hæc intervalla a sola consuetudine determinantur, ut certis diei horis esuriamus, aliis horis minus. Consuetudo autem a sola anima pendet, Bene constitutum cerebrum facit bonum appetitum. Male constitutum cerebrum appetitiones imminuit, depravat, tollit.

T A N T U M.



Præ-